

Vigo
17. novembro
1962

Dr. D. Luís Bobis
Montevideo

Meu querido amigo: Recibo agora a tua do 10 de outubro, xunto coas fotos que me devolves.

Vimos, todos os amigos, os dous exemplares de "Historia" que trouxo Meilán. Produxeron en cantos tiveron ocasión de os folhear, unha fonda impresión. Dende logo, trátase de algo sin precedentes na nosa bibliografía. A presentación ten empaque, feito estético, e unha elegancia tipográfica destacadísima. Debo felicitar, sinceramente, polo enorme esforzo que realizache, con evidente intelixencia e bo gusto.

Aproveitando o viaxe de Prada, xuntámonos en Ferro Couselo, Xaquín Lorente e outros, pra tratar da continuidade da obra. Lorente comprometeuse a revisar e mecanografiar o manuscrito da Prehistoria que deixou Cuevillas. Os miñas derradeiras novas son de que o traballo vai moi adiantado e de que, emtra do que se pensaba, o texto encherá un volume de tamaño semellante ós dos xa editados.

En principio acordouse, na reunión de que che fallo, dar un novo pulo ó labor pra os futuros tomos, creandose un a xeito de órgano centralizador que se responsabilizase da cuestión administrativa e mais de proporcionar nos colaboradores. Seguirá a dirección teórica nas mans de Otero, e a realización práctica nas miñas, co asesoramento de Ferro e Piñeiro. Cravo esta que isto se un resolveu aínda de xeito definitivo, e tamén haberá que coñecer cal é a decisión que adopta Puente. Naturalmente, o que agora urxe é rematar o tomo da Prehistoria, e mandalo decontado pra que o deades ó prelo.

Pero, según informes que recibo, resulta que hai moitas probabilidades de que ti veñas en data pró-

Sima pra Madrid. ¿É certo? Sería unha fermosa
 cousa terte perto de nós. A min, particularmente, en-
 tusásmame a idea. Pero, de ser así, habería que pen-
 sar nunha nova fórmula pra continuar a edición da
 Historia. Estimariache moito, pois, que me dixeses
 o que hai sobre do particular.

Supoño que a túa muller me anunciará a data da
 súa chegada a Galicia. Sería un grande disprusto si,
 ó non saber cando ven, puidera atopar-me fora de Vigo
 por calquer motivo, no día da súa chegada.

Non sei si estarás informado das novas que se van
 producir na Universidade. Os estudantes das cinco
 Facultades fixeron unha instancia, moi intelixente e
 razoada, solicitando a creación dunha cátedra de
 lingua Galega, no Instituto de Idiomas anexo á
 Facultade de Letras. Conseguiron que os Decanos, a ava-
 lasen coa súa firma. É o Reitor, Echeverri, apoiou-
 na cunha xestión activa e entusasta. O resultado
 é que a Cátedra vai ser creada decontado.

Pero, ademais, por xestións do propio Echeverri, lo-
 gróuse a creación da Sección de Filoloxía Románica
 na Facultade. No plan de estudos, figura como dis-
 ciplina obligatoria no 5º curso, a de lingua e
 literatura galegas. Como ves, a vella aspiración,
 tanto tempo acarinhada, realízase agora.

Escribíu os Centros Galego, lucense, Pontevedrés e
 Ourense, ^{de Boiro} pedíndolles que se dirixisen ó Reitor felicitán-
 dos polo incorporación dos estudos da nosa lingua e da
 nosa literatura ó ensino universitario. ¿Podemos
 conseguir alí que o Centro Galego e a Casa de Ga-
 licia fixesen outro tanto? Coído que sería de gran-
 de interés que as entidades emigradas desesen esa nota,
 fronte ó silencio que aquí se mantén.

É nada de máis. En espera das tuas novas, man-
 dache unha cordial aperta

O meu novo domicilio:
 DR. CADAVAL, 32-4º VZda.

Adel